



SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2005. GODINU KONGRESNE NARODNE STRANKE ZAŠTITE PRAVA BORACA I GRAĐANA - PRAVDE I MORALA BIH

Broj: 09-07-6-458/06
Sarajevo, 17. april 2007. godine

SADRŽAJ:

MIŠLJENJE REVIZORA.....	2
1. UVOD.....	3
2. PREDSTAVLJANJE POLITIČKE STRANKE.....	3
3. OPIS PREGLEDA I KANCELARIJSKE REVIZIJE.....	4
Predmet kancelarijske revizije.....	4
Cilj kancelarijske revizije.....	4
Obim kancelarijske revizije.....	4
4. PRETHODNE REVIZIJE.....	4
5. NALAZI	4

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Kongresne narodne stranke zaštite prava boraca i građana - pravde i morala BiH** za 2005. godinu

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Na osnovu našeg pregleda, odnosno revizije finansijskog izvještaja, nismo utvrdili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Kongresne narodne stranke prava boraca i građana - pravde i morala BiH za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja je iskazala ukupne prihode u iznosu od 0,00 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	0,00	0,00
2	Prilozi fizičkih lica	0,00	0,00
3	Prilozi pravnih lica	0,00	0,00
4	Prihodi od imovine	0,00	0,00
5	Prihodi od pr.lica	0,00	0,00
6	Prihodi od poklona	0,00	0,00
7	Prihodi iz budžeta	0,00	0,00
8	Ostali prihodi	0,00	0,00
	Ukupni prihodi:	0,00	0,00

U godišnjem finansijskom izvještaju politička stranka je iskazala ukupne rashode u iznosu od 0,00 KM.

2. PREDSTAVLJANJE POLITIČKE STRANKE

Naziv političke stranke: Kongresna narodna stranka zaštite prava boraca i građana – pravde i morala BiH. Skraćeni naziv stranke je KNS – R BiH/BiH.

Politička stranka je registrovana 05.01.1998. godine u Sarajevu, broj upisa R-I-5/97.

Sjedište političke stranke je u Tuzli, Donje brdo 6.

Lica ovlaštena za zastupanje stranke: Enver Imširović-Munja, predsjednik,
Fikret Hasić, generalni sekretar,
Fahrudin Demirović, šef kabineta,
Kadrija Škrijelj, portparol,
Arif Kojo, predsjedavajući skupštine.

Lice ovlašteno za podnošenje finansijskih izvještaja za 2005. godinu je Mehmed Karić.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj KNS za 2005. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskih izvještaja utvrdi određena kršenja Zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Nije vršena revizija finansijskih izvještaja.

5. NALAZI

Kongresna narodna stranka zaštite prava boraca i građana – pravde i morala BiH u finansijskom izvještaju za 2005. godinu nije iskazala ni prihode ni rashode. Nije iskazan broj transakcijskog računa, samo je navedeno da nije bilo prometa putem transakcijskog računa.

Hasida Gušić, šef Službe

Sanja Čabrilo, revizor